

Sembehu Yensa

Ayikyik bísiba, Yensa akawandkawand
jamaño jup a kanañajo n'atéeja ingi
jakanku Galile. Afak ajébun jamañ inlabahi.
Banér banan banan alahne wúur, Yensa
ajébinem. Fítiro banani, Yensa ayéj
ñantaalibehinem,

« Inini, injucoonuñ jakaamo! »

Inini, lentaarenj mara jakanku Galile
awayway dáde. Afañi jakanku Sigicor
n'away. Aji uwonni a bakaranku jakaamo,
aléleer búfeku gúbido gúduko. Angu,
n'awayne, aji bawuco amali dáde, gayikeyik
gumbañ adé. Aji uguy a sídeeno a
bájeginenku jakaamo ki bawuco amal,
gabénkinebenkin dáde! Gumbaño n'afuuhne
gakaanakaan ki sídeeno afuba k'uliim

uniiro.

Angu, fo Yensa ingi ñantaalibehinem
antunulne hadéko, bawuco ñayranɗ bumal.
Anyeeneh, anyeeneh, anyeeneh, f'andék
ampút a bájeginenku jakaamo. Bampúti a
bájeginenku jakaamo, bawuco atonɗ bumalo.
Bawuc báde!

Jantentenɗ Gúloku Díino.:

³⁵ Afúrumi na, fítiro banani Yensa
ayéj ñantaalibehinem:

- Inini, injucoonuɗ!

³⁶ Balóbi nim ambénn na barumuno
k'anyifa a sídeeno ka Yensa anoone.
Banyifay a sídeeno antunul hadéko
ba bulibilinku Yensa ba a gúbido gu
benen. Agida índukoŋo mees imme

na n'anyifa a múndeeno k'antéejay
ingi insi Yensa ingi ñantaalibehinem.

³⁷ Iyoo. Angu bantuɗuli, bawuc
amalimbin dáde ingi gumbaɗo fo
baaruɗo aɗay burumun a sídeeno.

³⁸ Agida Yensa n'aguy a mángááro
n'alóbbun bigokunom a injeginayo
k'aɗay sínduufo. Anyéjem:

- Arafan! Ingah, f'ummo na
sínduufo, mintor nip inniirohunon!
Kengeri! Karo fi inini hómár
kaanundo honj banj? (Mak 4:35-38)

Angu, dam bawuc báde ahar amalah a
jakaamo. Gumbaɗo anik amalah a sídeeno
ki baaruɗo aɗanah. Ñantaalibehu Yensa
ambenuh ki sídeeno adék alím k'anniirro.
Agida, Yensa sínduuf gaɗane a jambiyahu

sídeeno. Ñantaalibehinem pájiirenej
h'akanne Yensa apiren adúuf a waato
ámár. Andék angefiyem anyéjem, « Arafañ!
Ingah, f'ummo na sínduufu, mintor nip
inniiruhunoñ! Kengeri! Karo fi inini hómár
kaanundo honj bañ?»

Ñantaalibehu Yensa, waraarañañ anyéj
nim. Akankaan iniman anfiiramfiiram mara
Yensa ayikyik bankabañ báde a gúbidhu
immeren. Apokuneeniñpokun dáde. Inini,
Yensa akankáneh neerañ? Agida
ñantaalibeño ampájul mara Yensa apiren
ajébun jamaño, apiren afúnn fáguhonjo a
jamméejenku jamaño k'anjéb. Kanda hóge
apiren akaan honj a gúbidhu bawuco ingi
gumbaño?

Jantenten Gúloku Díino:

³⁹ Banlóbi nim Yensa akeng k'asekur
bawuco ingi gumbaŋo. Ayéj:

- Wonnor k'úbenn bumalo.

Bawuco abénn, baaruŋo anoohun
tum. ⁴⁰ Angu Yensa ayéj
ñantaalibehinem:

- Ninkinan, horaŋ akanne k'ubenihen
ineen? Karo baman manini ninkinan
fiyundumuŋ?

⁴¹ Angu ambenuh dáde k'anyéjayeh:

- Wuy! Mintor! Ningen baŋ! Ummu
hantaŋ? Ingah, galóbi, haani
bawuco ingi baaruŋo ambúuñaham.

Nim ganyéjayehne. (Mak 4:39-41)

A, Yensa ayikyik sembe dáde. Alób bareŋ!
Asekur bawuco ayéj, Wonnor k'úbenn

bumalo.» F'ayéjne nim bawuco abénn,
baarunjo anoohun tum.

Fo Díino ayabne duniyano, alóblob bareņ ki
duniyano ayik. Alóblob bareņ ki jiyaano
ayik. Alóblob bareņ ki baarunjo ajóguna
kantíg ínkánduk ki réenjo alaalinno ayik.
Yensa mees, alóblob bareņ ki bawuco
abénn, baarunjo anoohun tum. Yensa
akankaan honj ho Díino bareņ apiren
akaan.

Jantentenj Gúloku Díino:

¹ Afúrumi na, Yensa ingi
ñantaalibehinem anfúrum gulibilino
gu benen k'anjucum resiyono no
ñamhu Gerasen. ² Bankuci a sídeeno
údiigeen úduk mu fáguhono anņanne
afég Yensa k'agírer burahálinkinem.

³ Agida n'afúrumor a bawúboŋo maro na gagune. Údiigeeno úmár, yikireŋ m'apirenem, haani ingi ceenenku balomboono. ⁴ Jamaŋo halabahi ganceenemne a hádiho ingi a halaho, kanda ganceenehem úmár ayik sembe n'ópájulne ahallun ceeneŋo ámárán k'apah. Wúur pirendom. ⁵ Gadékinadekina jaket báárig a bawúboŋo ingi a montañoŋo k'ayíililineh. Adoohoh bawaalo k'agiihorah arinkinem.

(Mak 5:1-5)

Angu, dam Yensa ingi ñantaalibehinem banlibilay jakaamo anrah ingi úlobálaŋo. Kanda údiigeeno úmár, fáguhonjo anjanemne k'angoolumbinem. A kanaŋaŋo

gagune, a bawúboŋo. Jamaŋo índukoŋo anrifrif búnebhinem ki daha amal jamaŋo wola adújoora. Haani ingi ceeneŋo ganceenemne, kanda ganceenem, ahallun ceeneŋo ámárán k'apah. Wúur pirendom. Gadékinadekina jaket báárig a bawúboŋo ingi a montaŋo k'ayíililineh adoohoh bawaalo k'agiihorah arinkinem.

Inini, fáguhonjo, hóge fáguhonjo ampokunpokun mintor? Hóge fáguhonjo ansíibáásiib búkááñinku mintor ñanraagofonjo? Wówo, ansíibáásiib bukoomunku mintor. Aji úfegi mi fáguhonjo ampuñne jamméejenkinin, upájul ni fáguhonjo anfoyne mintor ñanraagofonjo.

Yensa bareŋ apireenne apahun údiigeeno mu fáguhonjo ampuñne jamméejhinem.

Inini, jantenteŋ ho Yensa akanne:

⁶ Angu dam údiigeeno úmár
baŋandenti Yensa agírer arahálinem
k' aruŋa a binaanam. ⁷⁻⁸ Yensa
bafégem ayéj:

- Fi fágúho, fút imbi údiigeeno ummu
m'uŋanne!

Údiigeeno apeej ayéjem:

- Yensa Úbáku Díino n'afaŋumne
n'ayik sembe, horaŋ akanne
k'umitenem? Kalir baŋ karo
dufegineem!

⁹ K'angu Yensa amiihem, ayéjem:

- Fi gurethen neeraŋ?

Ayéjem:

- Me gurethum «Barumuno» maro
mint fáguhonjo injanminjan imbi
ummu irumunmin na tip. ¹⁰ Yensa!
Bonkerer way ki dahu úfunn mint a
didiirajo indi!

¹¹ Agida ayikyik koorehu jifekeŋ adé
antéeja na a montaña n'anŋay
gufoola. ¹² Fáguhonjo anyéj Yensa:

- Inini, Bonkereri way! Bénner mint
k'ídek injanminj imbi jifekeŋo inonj.

¹³ Yensa alóki, k'angu andék anŋan
imbi jifekeŋo. Agida jifekeŋo ámárán
barumunkánin ambábár wuulenj
anakanj. Iyoo inini, fáguhonjo
banŋani imbi jifekeŋo maŋ na
k'angune a raafó, jifekeŋo angírumer

a jidonku montaña andék annen a
jakaamo anlím k'anniuro na nip.

(Mak 5:6-13)

Angu, na ífegonfeg maro fáguhonjo
ampápájul Yensa! Ampájul mara Yensa
ingine Úbáku Díino. Ampájul mara
ayikhineh bísiba, Yensa aworháneeniŋ a
kuulo. Gúmár akanne fáguhu ayéj Yensa,
«Yensa Úbáku Díino n'afajumne n'ayik
sembe, horanŋ akanne k'umitenem? Kalir
banŋ karo dufegineem!» Fáguhonjo
ampápájul m'agune Yensa. Ampájul mara
Yensa galóbi, aññantay ankaan h'ayéjne
mara Yensa ingine Úbáku Díino.
Ambenuhbenuh. Angu fáguhonjo ammaanen
Yensa k'anyéjem, «Inini, Bonkereri way!
Bénner mint k'ídek inŋanmiŋ imbi jifekeŋo

inoŋ.» Agida ayikyik koorehu jifekeŋ adé
antéeja na a montaña n'anŋay gufoola.

Angu Yensa afúnn fáguhonjo imbi údiigeeno
k'andék anŋan imbi jifekeŋo. Fáguhonjo
banŋani imbi jifekeŋo, jifekeŋo anjuhula
k'angír hágir háde, baman a jakaamo
k'annen a jakaamo anlím anniiro. Jifekeŋo
nip anniironiirro kanda údiigeeno
m'alóbálaherne ajébjeb kaŋ. Ñankooñhu
jifekeŋo anféfeg níp. Anfég ni Yensa
ajébunne údiigeeno. Kanda anfak anfég ni
jifekenkinin anniirone a jakaamo. Hóge
asúumeeniŋsum ni Yensa ajébunne
údiigeeno? Wówo, súumáreeniŋ mara
jifekenkinin anniironiirro!

Jantenteŋ Gúloku Díino:

¹⁴ Afúrumi na, ñankooño banfégi
maro jifekeño nip anniirone ampaas
hágiro bejen bejen a bukooro ingi a
kanañaño k'antifur jamaño h'ayikne.
Banyennehini angírer ba búfego.

¹⁵ Bampútri imbi Yensa, anlahun na
údiigeeno mu fáguhongo jup
anruurerne n'ajéb, akaana bayaaho,
anoohun tum. F'anfégne hómár
ambenuh. ¹⁶ M'anséediyane h'ayikne
údiigeeno mu fáguhongo anruurerne
ingi h'ayikne jifekeño, antifurtifur
hómár nip jamaño. ¹⁷ Banyennehini
ankomb bumaanenku Yensa k'afúr a
didiirahánin adék bíduk. (Mak 5:14-
17)

Fégenj banj, jamaño ampokunpokun jifekeño
afanj uraagofongo! Immerenj anfak ampokun

nááfulo afaŋ Gúloku Díino. Yensa adékridek
k'atéekineeniŋ Gúloku Díino. Adékridek
k'apahálin jamaŋo a halaku Iblisa ki jamaŋo
ampiren anfúr a maasayahu Iblisa k'anŋan
a maasayahu Díino. Kanda jamaŋo
m'angune Gerasen ammaanemaanen
Yensa k'afúr a didiirahánin. Immerenŋ
pájiirenenŋ mara Iblisa ajodeeniŋjod.
M'ammune jifekeŋo, a halaku Iblisa
gangune iniman údiigeeno mu Yensa
ajébunne. Úpájulenŋ, mintoronŋ nip a
maasayahu Iblisa gimbosahoonuŋne.
Mintononŋ nip, insohálahoonuŋsohála dáde
ki Díino apahálin mintor a halaku Iblisa.
Kanda m'ammune jifekeŋo, pájiirenenŋ
hómár. Pájiirenenŋ mara immerenŋ mees, a
maasayahu Iblisa ingi fáguhonŋo gangune,
angu ansohálasohála dáde ki Díino

apahálineeniṅ a halaku Iblisa k'anfúr a
maasayahu Iblisa k'anṅan a maasayahu
Díino. Díino abúuñribuuñ Yensa
k'apahálineeniṅ. Kanda immerenṅ, neeraṅ
gankanne? Fiyindenṅ Yensa. Anñop Yensa
k'anyéjem afúr a didiirahánin.

Kanda údiigeeno mu Yensa ajébunne, úmár
afiyumne Yensa. Aramunramun Yensa dáde
n'apahálinemne imbi fáguhonṅo. Inini,
lóbálaaraṅ. Ajébjeb kaṅ! Afiyumfiyum
Yensa.

Jantentenṅ Gúloku Díino:

¹⁸ Yensa ingi ñantaalibehinem
antuṅul hadéko. Yensa baṅay
guyifaṅo a sídeeno, mu fáguhonṅo
anruurerne aṅayar butifo k'ayéj:

- Yensa! Túyoom k'inkokayon.
Bonkereri!

¹⁹ Úmár ayéjem:

- Wówo! Dimpirenon k'inkokayon.
Inini, fi noolint ba imbi jamankan
k'úduk utifureenin ni Umuyhon
akááñinahinenne ingi n'ayikne
bankabango a binankan.

²⁰ Adék akaan man nim. Adék a
resiyonjo n'aretuhne Akooronjo
Haalango k'atifur jamango m'angune
na a nintiku ho Yensa akandemne.
Jamango banyennehini mees
abineenin dáde. (Mak 5:18-20)

Angu údiigeeno aramunramun Yensa dáde.
Asíbáásiib butifilinkinem k'aguy
utaalibehinem. Kanda Yensa ayéjem

aṇoolin imbi jamankánam k'atéekineeniṅ ho
Umuyhánom akandáremne.

Úpájulenṅ, Yensa ayikyik sembe dáde. Afak
ajellihin jamaṅo mara úmár ingine Úbáku
Díino. Horaṅ gakanne k'ajellihineeniṅ
hómár? Alób bareṅ, ki bawuco añantay
atúy gúlokunom. Balóbi bareṅ, fáguhono
añantay antúy gúlokunom. Ayéjeeniṅ,
«Fútenṅ imbi údiigeeno ummu!» Bayéji nim,
fáguhono añantay anfúr imbi údiigeeno.

Bawuco, gumbaṅo, fáguhono, hómáránṅ nip
añantay ankaan ho Yensa atéekineeniṅne.
Yensa ayikyik sembe dáde, kanda imbi
mintor ñanraagofono daforse wúur
k'afiyumem. Upiren ucaaben. Kara ufiyum
Yensa k'utifilinem, kara fiyundom.

M'ammune jifekeṅo, horaṅ gancaabenne?

Immerenɗ fiyindenɗenɗ Yensa. Anyéj Yensa afúr a didiirahánin. Angu Yensa nim gakanne. Abénneeninɗbenn k'adék adoona. Kanda índukoŋo, iniman údiigeeno mu Yensa ajébunne, anlah ba bufiyunku Yensa k'antifilinem. Mi fiyindenɗenɗne Yensa, Yensa abénneeninɗbenn a maasayahu Iblisa. Kanda m'anfiyumne Yensa, Yensa apahálineeninɗ a halaku Iblisa ingi fáguhonɗo. Afúnneeninɗ a maasayahu Iblisa k'aŋaneeninɗ a maasayahu Díino. Yensa, gúmár gadékirne a duniyaŋo. Díino abúuñuremne a duniyaŋo k'apahun mintor a jínubonkintor, k'apahálin mintor a halaku Iblisa ingi fáguhonɗo.

Kanda Yensa apahálinkineh m'anfiyumemne bareɗ. Agi úsiibay, upiren uñop Yensa. Upiren utibaaram iniman

jamaŋo m'ammune jifekeŋo. Upiren úyej,
«Sohálaari Yensa!» Kanda aji ukaani nim,
Yensa dapiren k'apahálin. K'infiyumoonuŋ
Yensa iniman ni údiigeeno mu Yensa
ajébunne afiyumemne. Ki k'índomoonuŋ
mara marigeno, Yensa afaŋi anabiyo
n'afuuh. Úmár ingine Úbáku Díino. Ayikyik
sembe dáde. Akankaan honjoŋoŋo ho Díino
bareŋ apireenne akaan. Marigeno, Díino
abúuñuremne a duniyaŋo k'apahun mintor
a jínubonkintor, k'apahálin mintor a halaku
Iblisa ingi fáguhonjo.